



OPĆINSKOM SUDU U SARAJEVU
- Sudiji za prethodno saslušanje-

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije Bosne i Hercegovine (u daljem tekstu: ZKP FBiH), **p o d i ž e m:**

OPTUŽNICU

PROTIV:

- 1. ADMIR ARNAUTOVIĆ, zvani Šmrk**, rođen 1980. godine, nastanjen u u ulici, državljanin BiH, sa završenom SSS, po zanimanju saobraćajni tehničar, lođeg imovnog stanja, nezaposlen, razveden, otac troje djece, JMBG:, **osuđivan**, Presudom Općinskog suda u Sarajevu broj: K-467/04 koja je pravosnažna dana 19.03.2005. godine za krivično djelo iz člana 172. stav 3. u vezi stava 1. i člana 328. stav 1. u vezi člana 323. stav 3. u vezi stava 1. KZ F BiH, na jedinstvenu kaznu zatvora u trajanju od 1 (jedne godine), Presudom Općinskog suda u Sarajevu broj: 065-0-K-07-000016 pravosnažna dana 21.03.2007. godine zbog krivičnog djela iz člana 323. stav 3. u vezi stava 1. i člana 362. stav 1. u vezi člana 54. KZ F BiH, i člana 3. stav 1. tačka 1. Zakona o izmjenama i dopunama ZONDINOM-a, na kaznu zatvora u trajanju od 5 (pet) mjeseci i mjera sigurnosti oduzimanja predmeta – kazna je izdržana dana 08.05.2010. godine, Presudom Općinskog suda u Sarajevu broj: 65 0 K 156613 10 K pravosnažna dana 15.04.2011. godine za krivično djelo 239. stav 3. KZ F BiH, novčana kazna u iznosu od 500,00 KM – kazna je plaćena 30.01.2012. godine, Presudom Suda BiH, broj S1 2 K 014057 13 K pravosnažno dana 20.01.2014. godine, za krivično djelo iz člana 250 stav 1. i člana 195. stav 1. KZ F BiH i člana 238. stav 1. i člana 295. stav 2. KZ F BiH , na kaznu zatvora u trajanju od 3 godine i mjeru sigurnosti oduzimanja predmeta – kazna izdržana 07.11.2016. godine i Presudom Općinskog suda u Sarajevu broj: 65 0 K 762565 20 K3 od 04.03.2021. godine i Kantonalnog suda u Sarajevu broj: 65 0 K 762565 21 Kž2 pravosnažna dana 23.06.2021. godine zbog krivičnog djela iz člana 52. stav 1. tačka a. ZONDINOM-a KS na kaznu zatvora u trajanju od 6 mjeseci koja se zamjenjuje rdom za opće dobro na slobodi u trajanju od 45 radnih dana, nalazi se u pritvoru u KPZ Zenica po Rješenju Općinskog suda u Sarajevu od 23.08.2024.godine i može trajati do 23.09.2024. godine ili do druge odluke suda.
- 2. ADMIR JAHOVIĆ ZVANI "DEBA"**, rođen 1997. godine, ima prijavljeno prebivalište u ulica, državljanin BiH, sa završenom osnovnom školom, bez

zanimanja, neoženjen, zaposlen u UO "Pirpa", lošeg imovnog stanja, neosuđivan, JMB, određene mjere zabrane.

3. **ALDEN VELIĆ**, rođen 2005. godine, ima prijavljeno prebivalište u ulica, državljani BiH, sa završenom srednjom školom, po zanimanju CNC operater, zaposlen u UO "Pirpa", neoženjen, neosuđivan, JMB, određene mjere zabrane.
4. **EDVIN MUMINOVIĆ**, rođen 1999. godine, ima prijavljeno prebivalište u ulica, državljani BiH, sa završenom srednjom školom, po zanimanju moler, zaposlen u UO „Pirpa“, neoženjen, neosuđivan, JMB, određene mjere zabrane.
5. **MUHAMED BAKIJA**, rođen 1996. godine, ima prijavljeno prebivalište u ulica, trenutno boravi u ulici, državljani BiH, sa završenom srednjom školom, po zanimanju elektrotehničar energetike, zaposlen u UO "Pirpa", srednjeg imovnog stanja, neoženjen, lošeg imovnog stanja, neosuđivan, JMB, određene mjere zabrane.

Što su - zajedno:

„Dana 20.06.2024. godine u vremenskom periodu između 23,00 do 24,00 sata ispred UO „Pirpa“ u ulici Čobanija do broj 4, u općini Centar u Sarajevu u kojem su prethodno boravili S.A.T.S.M.A. iz Dubai - državljani UAE i i Al-A.A. - državljani Jemena, nakon kraće verbalne rasprave, svjesni zabranjenosti radnji i da svojim radnjama mogu nanijeti teške i tjelesne ozlijede AIQ. i lake tjelesne ozlijede Ab., što su i htjeli, Admir Jahović prišao AIQ., pljunuo ga u lice, na što mu je AIQ. uzvratilo na isti način i krenuo da izađe iz objekta, da bi potom Admir Arnautović koji se nalazio ispred objekta, stisnutom pesnicom zadao udarac u potiljak AIQ. usljed čega je pao na cestu ispred ulaznih vrata u objekat, a zatim u namjeri da se fizički obračunaju sa njim iz njima poznatih razloga, Admir Arnautović i uposlenici objekta Admir Jahović, Edvin Muminović, Alden Velić i Bakija Muhamed - zajedno, stisnutim pesnicama, nogama i tvrdim predmetom koji slični palici, udarali AIQ. u predjelu glave i tijela, da bi ga potom Admir Arnautović rukama uhvatio za vrat i glavu i vukao ga trotoarom i cestom, a potom su ga ostali zajedno nastavili udarati, da bi se tada Al-A.A. umiješao na način da je povukao predmet sličan palici, u namjeri da spriječi dalji napad, nakon čega ga je Jahović Admir udario više puta navedenim predmetom i pesnicama u predjelu glave i lica, u čemu su mu se pridružili i Admir Arnautović, Edvin Muminović, Alden Velić i Bakija Muhamed koji su ga zajedno nastavili tući, dok ih u tome nisu spriječili prisutni građani, usljed čega je AIQ. zadobio teške tjelesne povrede u vidu natučenja hrbata nosa, prelom desne nosne kosti sa pommakom ulomaka, natučenje lijeve očne jabučice, krvarenje u veznicama lijevog oka, traumatsku upalu veznica lijevog oka te lake tjelesne povrede u vidu krvnog podljeva kože regije iza desnog uha, natučenje lijeve strane donje usne i istegnuće vratnih mišića, dok je Ab. zadobio lake tjelesne povrede u vidu krvnog podljeva gornjeg i donjeg kapka lijevog oka, natučenje lijeve očne jabučice, traumatsku upalu veznica lijevog oka, natučenje regije ispod lijevog oka, natučenje sluznice lijeve strane done

usne.“

Dakle, jednu osobu teško tjelesno ozlijedili i jednu osobu lako tjelesno ozlijedili.

Čime bi počinili krivično djelo zbog krivičnog djela Teška tjelesna ozljeda iz člana 172 stav 1. i krivično djelo Laka tjelesna ozljeda iz člana 173. KZ F BiH u vezi sa članom 31. i 54. KZ F BiH.

PRIJEDLOG ZA PRODUŽENJE PRITVORA

Kantonalno tužilaštvo Kantona Sarajevo smatra da u odnosu na osumnjičenog Arnautović Admira i dalje postoje posebni pritvorski razlozi iz člana 146. stav 1. tačka c) ZKP FBiH.

KANTONALNA TUŽITELJICA